

Ebdulrahman Efff\***Berî ku ev bask bi dengê firê kevin**

Wilo bi baskekî şikestî ji payîzî  
 Bi şibakak dîrî tenê  
 Bi hinek pirtuqal û êvarekê sar  
 Û mûma li ser masê her xwe liba dike  
 Li rûyê te...li ser mirinê û tenêbûnê û  
 Ser rûyekî din ku di bin her rûyî de ye:  
 Rûyê agirê mûmê bi xwe.  
 Ezê di xwe de riya bexçê xwedê nas bikim  
 Navê melayîketê mezin û baskên wan wê bi refan  
 Li hev kevin dema ez ji keçek insanan hez bikim  
 Nabêjin mixabin !? wê rûnî li ber deriyê dil wê bendewariyê  
 Bikin...bi navên xwe yê giran bi baskên xwe yê dirêj  
 Pir bi bêhinferehî, bi xweşikbûn û nermahiya komek dayikan.

Berî ku ev bask bi dengê firê keve  
 Berî ku gul bi bihna baranê keve  
 Û ez bi lêvê jîbîrkirinê kevim  
 Berî em hew xwe di memikê gula de bibînin  
 Ev hewş bibe ba û me di dawa xwe de biperpitîne  
 Berî tu wilo ji me hez bikî û wilo me dîrî xwe bikî  
 Ka ji me re bêj :ez hûn im,  
 Ka bêj:  
 Hûn ez im.

Ez bi tenê di vê newalê de  
 Avek pir hindik ji lehiyê maye  
 Belkî xarek pir reng jî di binê kortikekê de be  
 Belkî kerek jî dîr ve bizire  
 Belkî mîwên tirî yê biçûk hinekî nig û şaxê xwe berdî bi vî aliyê çem de  
 Her tişt tenê ye wek ku ew aniha berî deqakê çêbû be  
 Hertişt wilo tije ruhî ye  
 Tê bê qey xwedê di hindirê hertiştî de dirame.

Teşqelên sîkê û ev minara han  
 Û gulê di hewşa minarê de û camî  
 Û destê te yî xweşik, xwendina bekelorya,  
 Zivistan û havîn û dîsa buhar.Hingulîsk,jinanîn,  
 Berdan û teşqelên helbestan û ruhniya tarîbûna  
 Xweşikbûna te,  
 Ev hemû bes in ji nivîsandina pirtûkekê re ?  
 Yan ezê çawa bikim !?  
 Ezê hertiştî ji bîra bikim û te tenê...wê hezkirina te  
 Wek azana berbangê hilkişê û hilkişê  
 Zelal û xurt, wê zengilê canê miriya  
 Ji xew rake.

\* Helbestvanekî Kurdîstana rojava ye, li Elmaniya

**EZ DIBÊJIM**Barwîr Sîvak  
wergerandin: S.Isa

Ez dikarim bêjim:  
 ku ev ava girikî zelal û bijwên e.  
 ez dikarim bêjim:  
 ku ev kox qesreke hêja ye.  
 ez dikarim bêjim:  
 ku ev dûman komereke Kevirê reş î himhimî ye ,  
 û ev cawê sor yê nazik  
 ne tevn e, belê revîn û agir e....  
 tevî çiya û newalên di nav bera me de  
 ez dikarim bêjim  
 tu nêzikî min î.  
 ez dikarim bêjim:  
 tu miroveke fihtok û ne kubar î,  
 tevî ku bi rastî  
 te hayî ji min jî tune ye.  
 ez dikarim bêjim:  
 ev nivîstî hişyarî ye,  
 û ev neqezenc kirina bi kul  
 serkeftineke hêja ye  
 mîna wê ne ciryane,  
 û ev zerdele ... Qoriyekî mezin e,  
 û ev darûbestkirin xweş semawend e  
 û ev çiya ... Qonçaleke mezin e dernixûn kirî ye,  
 û ev tiliya min  
 ya qelekûçik pênûseke piçuk e.  
 ez dikarim bêjim  
 lê bê sîde ye .....?

**QENDÎL**

Rojnameke WÊJYÎ, ROŞENBÎRÎ, GIŞTÎ, SERBIXWE

Li 2 sibatê 2001 hatiye damezrandin

Sernivîser: Mirza H. Dinnayî

Redaksion: Fewzî Çelîk; Hussein Nermo;

Pêwendî: Şivan Şêx Elo; Serhan Isa / Grafik: Mervan derkî

Çapkirin û belavkirin Qendil Verlag

Copyright Qendil 2002 / ISSN 1617-5174

Navnîşan: QENDIL

Postfach 150 265

D- 07714 Jena / Germany

Fax: 03641 238728

Email: webmaster@qendil.de

Beşê kurdî

PF 219118, 33604 Bielefeld

Abona Salane: 21 Euro – li gel Postekirin

Bankverbindung:

Empfänger: Zeitungsverlag / Kontonummer: 649 063 104

BLZ: 100 100 10 / Bei: Postbank Berlin

**Çakbînî**Xemcivîn\*

Hoy... Hoy ...!  
 Çav ji min dipirsin;  
 şiyar û vekirî bi Stêrikan re diçirsin...  
 deng deng li newalan bela bû,  
 bi çiyê ve dihilperikî...!!  
 bi bayê re hevrê me, te nabînim..te nabînim..  
 bi Qolingê zozên re hêviyan dixwînim;  
 tu dibêjî: berovajî buhar tê  
 Adar û Tebax bûne du baskên xewnekê!!  
 geriyam li te, ez geriyam.. Bêrîvanî hatin û hatin..  
 meş rewan Qaz û Qumrî û Qitik hatin  
 Ewir Mij û Moran bînahiya min girtin...!!  
 Çav li ber xilmaşbûnê ne;  
 bi peyv in.. bi pirs in... ne di nav Peşk û dilopên Baranê de  
 ne di nav leylandê de,  
 û ne di Bahoza bendewariyê de  
 li hemû dever û aliyan te nabînim...te nabînim...  
 xewnê.. xewnê...dilê min ji lêgerînê ne weste..  
 şevîngerim; şivan û pêwan im li ber hêrana derdan Qeraş im...!!  
 sibehîn, êvar û berbangê, hawar û fixanê di dêrim..  
 Qeqqeba Kewê nêr im, her gav li zinarê evînê, sirûdan dixwînim  
 bi hêvî me; bi vê qîrînê te bi gehînim...!!!  
 heger tu xewn bî, ezê bêjim, eger tu leylandê bî, ezê bêjim,  
 tu strana min î; ma çawa ezê te nebêjim?  
 Kaniya evîna me diherike li bin siya biyok û çînarane,  
 li ber bihna nêrgiz û sosinane;  
 çîrûskê li ser avê, beramber min geş dibe,  
 yekçar ji çavan min bawer nedikir...!!  
 lê!! çî bikim Dilê min dikele,  
 Dilê min înan û baweriyê, bi cî dike...!!?  
 Ava sar û hênik dibişire...!! kenekî biçûk ji lêvan der tê,  
 wênayê te di ronîya Heyvê de;  
 şanî min dike...;  
 û dibêje: fermo hey çakbînî

\*Helbestvanekî Kurdîstana rojava ye, li Dubai, Imarat dimîne.

**Ji buhayên êzdiyiyê**IDO BABASÊX**RASTÎ RÊYA YEZDA YE**

Piraniya ol û baweriyên li cîhanê  
 dixwazin rêya rast û durist nîşanî  
 mirovan bidin û hewl didin ku dîrî  
 rêya xwar û xerab bin, ji ber vê  
 çendê êzdiyiyê jî pir guh daye  
 rastiyê û wekû karekî pir buha û  
 qedir giran nasiye.  
 Êzîdî herdem dibêjin **rastî rêya**  
**xwedê ye** û pêdiviya mirov her  
 rastiyê bigrit û ev e di van sebeqan  
 de hatiye:  
 Ya xwedê rêya te rastî ye  
 Û karê te bi heqî ye  
 Surra te here mixfî ye  
 .....  
 rêya xwedê min rastî ye  
 padşa ye û şik tê nîn e  
 xwedê melekê bêrî ye (1)  
 ev herdû sebeqe bi ron û aşkere rastî  
 bi xwedê ve girê didin û diyar dikin  
 ku mirovên rastgot û  
 rastperwer bit nêzikî xwedê  
 ye.herwisa êzdiyatî ji mirov re diyar  
 dicit ku rastî rêya zanînê ye û dilê  
 mirovî bi rastiyê ron dibit,wekû di vê  
 sebeqê de hatiye:  
 rastiya rê zan e  
 ronaya dilan e  
 rastî rêya yezdan e (2)  
 rastî ma'rifet û zanîn e ,her kesekî  
 dîrî rastiyê bit li dunya din de giyanê  
 wî rûbirûyî nexweşî û azara bit û ev  
 qewil vê çendê diyar diket:  
 rastî ma'rifet e

mêrê qebihî terbiyet e  
 li axretê giyanê wî bê e'zet e (3)  
 me got rastî tişteki pir buha ye,  
 mirovên rastgot her xwe radigirin û  
 herdem baweriyê wan î mukume û  
 hêvî û omîdên wan bi xwedê  
 hene,wekû ji me re xweye dibit:  
 rastî binyat zêr e  
 wan cindiya xwe ragêr e  
 yê herdem hêvî bi xwedê re  
 .....  
 rstî binyata xas e  
 wa ji sihabê ew mekas e  
 yê ji xwedê xwe bitirse nas e (4)  
 êzdiyatî olê û rastiyê bi hev re  
 têkildar diket û girîvan ku her  
 êzdiyek pêdivî ye li ber xwe ve  
 bikit, bi girîvanê rastiyê didet nasîn û  
 qewlekî me wesa dibêjit:  
 ji qewlê pîr xidir e  
 hinciyê girîvanê rastiyê li ber e  
 şikir dê çite dîwana mal û ser e  
 hêvîdar im em di gotin, kar û  
 kiryarên xwe de rastgot û rastperwer  
 bin, bi mirov,heval, dost û xelkê xwe  
 re dilrast bin.

Jêder:

1-qewlê padşayî,berhevkin: Xêrî  
 Bozanî LALIŞ jimar (8).1997.Dihok  
 2-3-4-qewlê silavê melekê  
 kerîm,berhevkin Mişûr Şemo,  
 LALIŞ jimar (11) Tebax 1999 Dihok